

Bosna i Hercegovina
Federacija Bosne i Hercegovine
Tuzlanski kanton
OPĆINA LUKAVAC
OPĆINSKO VIJEĆE



Босна и Херцеговина
Федерација Босне и Херцеговине
Тузлански кантон
ОПЋИНА ЛУКАВАЦ
ОПЋИНСКО ВИЈЕЋЕ

Lukavac:25.06.2020.godine

SLUŽBENI GLASNIK OPĆINE LUKAVAC

S A D R Ž A J 5/20

AKTI OPĆINSKOG VIJEĆA

1. Odluka o izmjenama i dopunama Odluke o nazivima ulica i trgova u gradu Lukavcu i naseljima na području općine Lukavac, broj:01-02-2854/20 od 23.06.2020.godine
2. Odluka o izmjenama i dopunama Odluke o nazivima ulica i trgova u gradu Lukavcu i naseljima na području općine Lukavac, broj:01-02-2858/20 od 23.06.2020.godine.
3. Odluka o izmjenama Odluke o snadbijevanju toplotnom energijom na području općine Lukavac,
4. Odluka o izmjenama i dopunama Odluke o visini naknade za korištenje zemljišta uz lokalne i nerazvrstane ceste i ulice na području općine Lukavac
5. Odluka o davanju u zakup poslovnih prostorija neposrednom pogodbom
6. Odluka o prodaji neizgrađenog građevinskog zemljišta u državnom vlasništvu putem Javnog konkursa

AKTI OPĆINSKOG NAČELNIKA

1. Rješenje o imenovanju predsjednika i članova Upravnog odbora Javne ustanove za odgoj i obrazovanje djece sredškolskog uzrasta Lukavac



Broj: 01-02-2854/20
Lukavac, 23.06.2020.godine

Na osnovu člana 41. Statuta općine Lukavac („Službeni glasnik općine Lukavac“, broj: 5/08 i 1/14), a u vezi sa člankom 5. Odluke o kriterijima za određivanje novih i promjenu postojećih naziva ulica i trgova u gradu Lukavcu i naseljima na području općine Lukavac, broj:01-02-1-3979/02 od 01.11.2002. godine, Općinsko vijeće općine Lukavac na 37. redovnoj sjednici održanoj dana 18.06.2020.godine, donijelo je

ODLUKU

o izmjenama i dopunama Odluke o nazivima ulica i trgova
u gradu Lukavcu i naseljima na području općine Lukavac

Član 1.

U članku 1. stav 1. Odluke o nazivima ulica i trgova u gradu Lukavcu i naseljima na području općine Lukavac („Službeni glasnik općine Lukavac“, broj: 7/03) – (u daljem tekstu: Odluka), u podnaslovu „Lukavac Grad“, tačka 11. mijenja se i glasi:

„11. ulica koja počinje od križanja sa ulicom „Titova“ i ide ravno pored JU „Centar za kulturu“ do raskršća iza JU „Centar za kulturu“, nosi naziv „Žrtava genocida u Srebrenici (raniji naziv „Redžepa efendije Muminhodžića“)“.

Član 2.

U članku 1. stav 1. Odluke, u podnaslovu „Lukavac Grad“, iza tačke 11. dodaje se nova tačka 11.a i glasi:

„11.a. ulica koja počinje od ulice „Žrtava genocida u Srebrenici“ i ide do raskršća sa ulicom „Branilaca Bosne“, nosi naziv „Redžepa efendije Muminhodžića“ (raniji naziv „Redžepa efendije Muminhodžića“)“.

Član 3.

Odluka stupa na snagu danom objavljivanja u „Službenom glasniku općine Lukavac“.

**PREDSJEDAVAJUĆI
OPĆINSKOG VIJEĆA**

Suljić Mehmed dipl.ing.maš s.r.



Broj: 01-02-2858/20
Lukavac, 23.06.2020.godine

Na osnovu člana 41. Statuta općine Lukavac („Službeni glasnik općine Lukavac“, broj: 5/08 i 1/14), a u vezi sa člankom 5. Odluke o kriterijima za određivanje novih i promjenu postojećih naziva ulica i trgova u gradu Lukavcu i naseljima na području općine Lukavac, broj:01-02-1-3979/02 od 01.11.2002. godine, Općinsko vijeće općine Lukavac na 37. redovnoj sjednici održanoj dana 18.06.2020.godine, donijelo je

O D L U K U

o izmjenama i dopunama Odluke o nazivima ulica i trgova
u gradu Lukavcu i naseljima na području općine Lukavac

Član 1.

U članku 1. stav 1. Odluke o nazivima ulica i trgova u gradu Lukavcu i naseljima na području općine Lukavac („Službeni glasnik općine Lukavac“, broj: 7/03) – (u daljem tekstu: Odluka), u podnaslovu „Lukavac Grad“, tačka 40. mijenja se i glasi:

„40. Ulica koja počinje od ulice „25. novembra“ (iza pomoćnog terena stadiona „Jošik“) i ide ravno pored „Avax-a“ do raskrsnice sa ulicom „Kulina bana“, nosi naziv „Kralja Tvrtka prvog“ (raniji naziv „Kralja Tvrtka prvog“)..

Član 2.

U članku 1. stav 1. Odluke, u podnaslovu „Lukavac Grad“, iza tačke 40. dodaje se nova tačka 40.a. i glasi:

„40.a. Ulica koja počinje od ulice „25. novembar“ (pored stadiona „Jošik“), ide kružno oko JZU „Dom zdravlja“ Lukavac i izlazi na ulicu „Kulina bana“, nosi naziv „Dr.Deše Mešića“ (raniji naziv „Kralja Tvrtka prvog“).

Član 3.

Odluka stupa na snagu danom objavljivanja u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljić Mehmed dipl.ing.maš s.r.



Broj: 01-02-1806/20
Lukavac, 23.06.2020.godine

Na osnovu člana 13. Zakona o principima lokalne samouprave („Službene novine Federacije BiH“, broj 49/06 i 51/09), člana 4. stav 2. Zakona o komunalnim djelatnostima („Službene novine TK“, broj: 11/05, 7/07, 8/12 i 14/13) i člana 41. Statuta općine Lukavac („Službeni glasnik općine Lukavac“, broj: 5/08 i 1/14), Općinsko vijeća Lukavac, na 37. sjednici održanoj dana 18.06.2020.godine donijelo je

ODLUKU
o izmjenama Odluke o snadbijevanju
toplotnom energijom na području općine Lukavac

Član 1.

U članu 12. Odluke o o snadbijevanju toplotnom energijom na području općine Lukavac („Službeni glasnik općine Lukavac“, broj: 5/11), stav 2. mijenja se i glasi:

„Korisnici toplotne energije u objektima kolektivnog stanovanja, koji čine energetska cjelinu, obračun, odnosno, mjerenje utrošene količine toplotne energije za svaki stan, odnosno poslovni prostor posebno, mogu ostvariti ukoliko o svom trošku ugrade mjerni uređaj – kalolimetar, u skladu sa stavom 1. ovog člana, ukoliko to tehničke mogućnosti dozvoljavaju.

U istom članu dodaju su novi stavovi 3., 4. i 5. i glase:

„U objektima kolektivnog stanovanja, obračun mjerenja utrošene količine toplotne energije putem kalolimetra može se vršiti odvojeno za svaki ulaz.

Korisnici toplotne energije koji ugrade mjerni uređaj – kalolimetar, mogu u svom stanu na svaki radiator ugraditi razdjelnik toplote, ukoliko to tehničke mogućnosti dozvoljavaju.

Provjeru tehničkih mogućnosti iz stava 2. i 4. ovog člana, vršit će stručna komisija, sastavljena od predstavnika nadležne službe i komunalnog preduzeća, kome su povjereni poslovi snadbijevanja toplotnom energijom.

Član 2.

Ova Odluka stupa na snagu danom objavljivanja u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljić Mehmed dipl.ing.maš s.r.



Broj: 01-02-1-10712/19-1
Lukavac, 23.06.2020.godine

Na osnovu člana 13. stav 3. Zakona o pripadnosti javnih prihoda u FBiH („Službene novine FBiH“, broj: 22/06), člana 8. stav (3) alineja 20, člana 36. Zakona o principima lokalne samouprave („Službene novine FBiH“, broj: 49/06), člana 4. Zakona o cestama FBiH („Službene novine FBiH“, broj: 12/10; 16/10-ispr. i 66/12), i člana 32. stav (1) tačka 4. Statuta Općine Lukavac („Sl. glasnik općine Lukavac“, broj: 5/08 i 1/14), na 37. redovnoj sjednici održanoj dana 18.06.2020.godine, donijelo je

ODLUKA

o izmjenama i dopunama odluke o visini naknade za korištenje zemljišta uz lokalne i nerazvrstane ceste i ulice na području općine Lukavac

Član 1.

U Odluci o visini naknade za korištenje zemljišta uz lokalne i nerazvrstane ceste i ulice na području općine Lukavac („Službeni glasnik općine Lukavac“, broj: 10/19) u članu 7. stav 1. alineje 3., 4., 6. i 7. mijenjaju se i glase:

3. naknada za izdavanje odobrenja za prekopavanje asfaltnih cestovnih i uličnih površina (trupa ceste) u svrhu građenja i postavljanja podzemnih instalacija, izuzev za izvođenje radova po nalogu općine Lukavac 50,00 KM/m², uz obavezu svakog izvođača radova da cestovnu i uličnu asfaltnu površinu dovede u prvobitno stanje.
4. naknada za izdavanje odobrenja za prekopavanje u cestovnim pojasu lokalnih i nerazvrstanih cesta i ulica u svrhu građenja i postavljanja podzemnih instalacija, izuzev za izvođenje radova po nalogu općine Lukavac 5,00 KM/m¹, uz obavezu svakog izvođača radova da cestovnu i uličnu asfaltnu površinu dovede u prvobitno stanje.
6. naknada za izmjenu režima saobraćaja u slučaju zatvaranja lokalnih i nerazvrstanih cesta i ulica do 10 dana, izuzev za izvođenje radova po nalogu općine Lukavac 15,00 KM/dan
7. naknada za izmjenu režima saobraćaja u slučaju zatvaranja lokalnih i nerazvrstanih cesta i ulica preko 10 dana, izuzev za izvođenje radova po nalogu općine Lukavac..... 30,00 KM/dan.

U istom članu dodaje se stav 2. i glasi:

„U slučaju potrebe izvođenja hitnih intervencija na komunalnoj infrastrukturi, izvođač radova može izvršiti prekopavanje površina iz stava 1. ovog člana alineja 3. i 4. i izvršiti izmjenu saobraćaja iz stava 1. ovog člana alineja 6. i 7. bez odobrenja nadležne službe, ali je obavezan prvi naredni radni dan podnijeti zahtjev Službi za naknadno pribavljanje odobrenja.

Član 2.

Odluka stupa na snagu danom objavljivanja u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljić Mehmed dipl.ing.maš s.r.



Broj: 01-02-2799/20
Lukavac, 24.06.2020.godine

Na osnovu člana 32. stav 1. tačka 15. Statuta Općine Lukavac ("Službeni glasnik Općine Lukavac", broj: 5/08 i 1/14) i člana 16. Odluke o davanju u zakup poslovnih zgrada, poslovnih prostorija i garaža u vlasništvu općine Lukavac („Službeni glasnik općine Lukavac“, broj: 5/18 i 7/18), Općinsko vijeća Lukavac, na 37.sjednici održanoj dana 18.06.2020.godine donijelo je

ODLUKU
o davanju u zakup poslovnih prostorija neposrednom pogodbom

Član 1.

Ovom Odlukom dodjeljuju se u zakup neposrednom pogodnom poslovne prostorije u vlasništvu općine Lukavac ukupne površine 136m², a koje se nalaze na prizemlju kolektivnog stambeno-poslovnog objekta izgrađenog na parceli označenoj po novom premjeru kao k.č.br. 2429/3, k.o. Lukavac u ulici Redžepa efendije Mumihodžića broj 12, i sastoje se od poslovnih prostorija površine 108,45m² i pomoćnih prostorija (dva mokra čvora, kuhinja i hodnik) površine 27,55m², kako slijedi:

r.br.	Naziv zakupca	Površina pod zakupom
1	Udruženje pčelara općine Lukavac	12,60
2	Udruženje veterana rata liječenih od PTSP-a općine Lukavac	32,35
3	Udruženje osoba sa invaliditetom općine Lukavac	25,50
4	Fudbalski/nogometni savez općine Lukavac	24,00
5	SKIMN „Sinovi Bosne“ Lukavac	14,00

Član 2.

Poslovne prostorije iz člana 1. ove Odluke dodjeljuju se u zakup na period od pet godina, s tim da se po isteku ovog perioda zakupni odnos može produžiti, uz saglasnost obje strane.

Član 3.

Poslovne prostorije iz člana 1. ove Odluke dodjeljuju se za obavljanje registrovane djelatnosti navedenih udruženja/saveza.

Član 4.

Za poslovne prostorije iz člana 1. ove Odluke navedena udruženja/savezi će plaćati zakupninu u visini od 1,00KM/m², u skladu sa članom 20. Odluke o davanju u zakup poslovnih zgrada, poslovnih prostorija i garaža u vlasništvu općine Lukavac („Službeni glasnik općine Lukavac“, broj: 5/18 i 7/18).

Za pomoćne prostorije iz člana 1. ove Odluke navedena udruženja/savezi neće plaćati zakupninu, ali su dužni solidarno izmirivati obaveze koje proisteknu iz korištenja navedenih prostorija (komunalne i ostale troškove).

Član 5.

Detaljni uslovi zakupa poslovnih prostorija regulisat će se ugovorom između općine Lukavac i navedenih udruženja/saveza, u skladu sa Odlukom o davanju u zakup poslovnih zgrada, poslovnih prostorija i garaža u vlasništvu općine Lukavac i propisima kojima su uređena pitanja zakupa poslovnih prostorija.

Budući da su navedena udruženja/savezi korisnici poslovnih prostorija iz člana 1. ove Odluke duži niz godina i da su njihovim korištenjem na navedenim prostorijama nastali određeni troškovi

(komunalne i ostali troškovi – električna energija, grijanje i slično), isti su dužni prije zaključenja ugovora o zakupu prostorije izmiriti sve dospjele a neizmirene obaveze proistekle iz njihova korištenja predmetnih prostorija.

Član 6.

Ova Odluka stupa na snagu danom objavljivanja u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljić Mehmed dipl.ing.maš s.r.



Broj: 01-27-3034/20
Lukavac, 12.06.2020. godine

Na osnovu člana 363. Zakona o stvarnim pravima Federacije Bosne i Hercegovine ("Službene novine FBiH", broj: 66/13 i 100/13), a u vezi sa članom 16. stav 1. Zakona o građevinskom zemljištu F BiH („Službene novine F BiH", broj: 25/03, 16/04 i 67/05), člana 3 i 9. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova ("Službene novine FBiH", broj: 17/14) i člana 32. Statuta općine Lukavac-prečišćeni tekst ("Službeni glasnik općine Lukavac" broj: 5/08 i 1 /14), Općinsko vijeće Lukavac na 37..redovnoj sjednici održanoj dana 18.06.2020.godine , donijelo je

O D L U K U

o raspisivanju Javnog konkursa za prodaju neizgrađenog građevinskog zemljišta u državnom vlasništvu putem javnog nadmetanja - licitacije

Član 1.

Ovom Odlukom se definišu uslovi i način prodaje neizgrađenog građevinskog zemljišta u državnom vlasništvu putem javnog nadmetanja - licitacije (u daljem tekstu: licitacija), radi izgradnje poslovnog kompleksa: stanice za tehnički pregled vozila i proizvodno - poslovnog objekta -hale, označenog kao:

-k.č. broj: **2794/3**, zvana „TOPOLA" Oranica/njiva 3. klase u površini od 5645 m² upisana u pl. broj: 330 K.O. Lukavac u posjedu opštine Lukavac sa dijelom 1/1,po novom a što starom premjeru odgovara nekretnini označenoj kao k.č.br.2794/3, zvana „TOPOLA" Oranica/njiva 3. klase u površini od 5645 m² upisana u zk.ul.br. 6169 k.o. Lukavac.

Član 2.

Pravo učešća u postupku licitacije imaju sva fizička i pravna lica.

Pravo učešća u postupku iz stava 1. ovog člana imaju i dva ili više fizičkih odnosno pravnih lica, po osnovu Ugovora o zajedničkoj izgradnji čiji su potpisi ugovarača ovjereni kod nadležnog organa za ovjeru potpisa i ako su ugovorom ovlastili jednog ugovarača da učestvuje u postupku licitacije.

Osnovni kriterijum za izbor najpovoljnijeg ponuđača je visina ponuđene cijene u postupku licitacije. Postupak licitacije nekretnine iz člana 1. ove Odluke provesti će Komisija za sprovođenje javnog nadmetanja-licitacije za prodaju nekretnine u skladu sa Pravilnikom o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine F BiH", broj: 17/14).

Član 3.

Početna prodajna cijena zemljišta ne može biti niža od tržišne vrijednosti i utvrđena je na osnovu nalaza i mišljenja Stalnog sudskog vještaka građevinske struke Salihović Zuhdije od 11.06.2020. godine i ista iznosi 10,00 KM po m², za parcelu označenu kao k.č.br: 2794/3.

Iznos naknade od 56.450,00 KM predstavlja početnu prodajnu cijenu neizgrađenog građevinskog zemljišta označenog kao k.č. broj: 2794/3, zvana „TOPOLA" oranica/njiva 3. klase u površini od 5645 m² upisana u pl. broj: 330 K.O. Lukavac u posjedu opštine Lukavac sa dijelom 1/1.

U početnu prodajnu cijenu nije uračunata naknada za pogodnost lokacije-renta, ni ostale propisane naknade, a koje će se definisati u postupku izdavanja urbanističke saglasnosti i odobrenja za građenje objekata koji će se graditi na novoformiranoj građevinskoj parceli shodno odredbama važećih zakonskih propisa na dan donošenja rješenja o naknadama.

Za učešće u postupku licitacije učesnici su dužni uplatiti depozit (kaparu) u iznosu od 10 % od početne prodajne cijene građevinske parcele koja je predmet licitacije, s tim što taj iznos ne može biti niži od 1.000,00 KM, niti viši od 50.000,00 KM i isti se uplaćuje na žiro račun Općine Lukavac.

Učesnici licitacije su dužni uz prijavu za učešće na nadmetanju dostaviti dokaz o izvršenoj uplati depozita.

Depozit se neće vratiti ukoliko učesnik ne pristupi licitaciji, odnosno odustane od svoje ponude. Učesniku u javnom nadmetanju koji ne ostvari pravo na kupovinu zemljišta, uplaćeni depozit će se vratiti u roku od 8 (osam) dana od dana zaključenja postupka javnog nadmetanja, odnosno potpisanog ugovora o prodaji.

Član 5.

Po okončanju postupka licitacije, Komisija za provođenje javnog nadmetanja-licitacije dostavlja zapisnik o radu sa prijedlogom izbora najpovoljnijeg ponuđača Službi za geodetske i imovinsko pravne poslove radi pripreme odluke o izboru najpovoljnijeg ponuđača i davanja saglasnosti za zaključenje notarskog ugovora o prodaji nekretnina u vlasništvu Općine Lukavac.

Odluku o izboru napovoljnijeg ponuđača i davanju saglasnosti za zaključenje ugovora o prodaji nekretnina u vlasništvu Općine Lukavac donosi Općinsko vijeće, na prijedlog Općinskog načelnika, uz prethodno pribavljeno mišljenje Općinskog pravobranilaštva.

Ugovor o prodaji nekretnina u vlasništvu Općine Lukavac mora biti notarski obrađen i isti uz prethodno pribavljeno mišljenje Općinskog pravobranilaštva potpisuje Općinski načelnik ili od njega ovlaštena osoba.

Član 6.

Na osnovu Odluke Općinskog vijeća Lukavac o izboru najpovoljnijeg ponuđača i davanja saglasnosti Općinskom načelniku za zaključenje ugovora o prodaji predmetnog zemljišta, sa izabranim ponuđačem će se zaključiti ugovor o kupoprodaji.

Ako učesnik licitacije odustane od zaključenja ugovora gubi pravo na povrat depozita.

Učesnik u postupku licitacije čija je ponuda prihvaćena kao najpovoljnija ponuda dužan je utvrđenu (kupovnu) cijenu za predmetno zemljište (uz umanjenje plaćenog depozita) uplatiti u roku od 30 (trideset) dana od dana zaključenja kupoprodajnog ugovora na račun Općine Lukavac

U slučaju zakašnjenja u plaćanju ugovorene cijene, kupac je dužan uz kupoprodajnu cijenu platiti zateznu kamatu za period kašnjenja, računajući od dana dospjeća do isplate.

Ukoliko kupac ne plati ugovorenu kupoprodajnu cijenu smatrat će se da je jednostrano raskinuo kupoprodajni ugovor i gubi pravo na povrat depozita.

Član 7.

Pravo vlasništva na kupljenoj nekretnini kupac stiče uknjižbom u zemljišnim knjigama nakon što je u potpunosti izmirio obaveze prema Općini Lukavac, utvrđene ugovorom.

Predaja nekretnine u posjed kupca će se izvršiti nakon uplate cjelokupnog iznosa ugovorene kupoprodajne cijene, u vrijeme koje dogovorom odrede kupac i prodavač. Kod uvođenja u posjed će se izvršiti obilježavanje nekretnine o čemu će se sačiniti zapisnik.

Član 8.

Ovlašćuje se Općinski načelnik da objavi Javni oglas o prodaji nekretnine označene u članu 1. ove Odluke i jednom dnevnom listu koji se izdaje u Federaciji Bosne i Hercegovine, na oglasnoj ploči i internet stranici Općine Lukavac.

Troškove notarske obrade ugovora o kupoprodaji, porez na promet nekretnine, takse za uknjižbu i sve ostale troškove koji se odnose na postupak kupoprodaje snosi kupac.

Član 10.

Ova Odluka stupa na snagu narednog dana, od dana objavljivanja u „Službenom glasniku Općine Lukavac“.

PREDSJEDAVAJUĆI
OPĆINSKOG VIJEĆA

Suljić Mehmed dipl.ing.maš s.r.



Broj:02-02-3122/20
Lukavac, 12.06.2020. godine

Na osnovu člana 4. i člana 18. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine”, broj: 12/03, 34/03 i 65/13) i člana 25. Uredbe sa zakonskom snagom o ustanovama („ Službeni list R BiH broj 6/92, 8/93 i 13/94), Općinski načelnik donosi

RJEŠENJE

o imenovanju predsjednika i članova Upravnog odbora Javne ustanove
za odgoj i obrazovanje djece šredškolskog uzrasta Lukavac

Za predsjednika i članove Upravnog odbora Javne ustanove za odgoj i obrazovanje djece predškolskog uzrasta Lukavac imenuju se, kako slijedi:

1. Amra Kišić, predsjednik
2. Nermin Omerović, član
3. Samira Karahmetović, član.

II

Mandat imenovanog predsjednika i članova Upravnog odbora Javne ustanove iz tačke I ovog rješenja trajat će najduže 3 (tri) mjesec ili do okončanja konkursne procedure za izbor predsjednika i članova Upravnog odbora JU za odgoj i obrazovanje djece predškolskog uzrasta i konačnog imenovanje predsjednika i članova upravnog odbora navedene javne ustanove.

Ovo rješenje stupa na snagu danom donošenja, a objavit će se u „Službenom glasniku Općine Lukavac”.

O b r a z l o ž e n j e

Općinsko Vijeće Lukavac je, na prijedlog Općinskog načelnika, dana 08.05.2019. godine u Službenim novinama F BiH broj 30 objavilo Javni oglas za izbor predsjednika i članova upravnog odbora Javne ustanove za odgoj i obrazovanje djece predškolskog uzrasta Lukavac.

S tim u vezi sačinjen je prijedlog rješenja o imenovanju komisije za izbor predsjednika i članove Upravnog odbora Javne ustanove za odgoj i obrazovanje djece predškolskog uzrasta Lukavac, te upućen na razmatranje i usvajanje na 30. Redovnu sjednicu Općinskog vijeća Lukavac.

Na 30. Redovnoj sjednici Općinskog vijeća Lukavac, održanoj dana 24.07.2019. godine, tačka 10. „Kadrovska pitanja”, podtačka d) „Razmatranje prijedloga rješenja o imenovanju komisije za izbor predsjednika i članova upravnog odbora Javne ustanove za odgoj i obrazovanje djece predškolskog uzrasta Lukavac.”

Isti prijedlog rješenja o imenovanju komisije za izbor predsjednika i članova Upravnog odbora Javne ustanove za odgoj i obrazovanje djece predškolskog uzrasta Lukavac ponovo je upućen na razmatranje i usvajanje na 31. Redovnoj sjednici Općinskog vijeća Lukavac. Na 31. Redovnoj sjednici Općinskog vijeća Lukavac, održanoj dana 13.09.2019. godine, takođe je odlučeno da se ova tačka skine sa dnevnog reda. Općinski načelnik je ponovo uputio Općinskom vijeću Prijedlog rješenja o imenovanju komisije za izbor predsjednika i članova Upravnog odbora JU za odgoj i obrazovanje djece predškolskog uzrasta, koja je tačka sa 36. Sjednice Općinskog vijeća održane dana 27.05.2020. godine vraćena na doradu.

Općinski načelnik je usvojio prijedloge poslane od strane loćinskog vijeća, te je dorađeni prijedlog o imenovanju komisije za izbor predsjednika i članova Upravnog odbora JU za odgoj i obrazovanje djece predškolskog uzrasta ponovo upućen na razmatranje Općinskom vijeću.

Obzirom da mandat vršioca dužnosti direktora navedene javne ustanove ističe dana 19.06.2020. godine, te da ustanova trenutno nema imenovanog upravnog odbora, u svrhu osiguranja kontinuiteta rada ove ustanove Općinski načelnik je donio rješenje kako je opisano u dispozitivu.

OPĆINSKI NAČELNIK
Dr. sci. Edin Delić s.r.

**SLUŽBENI GLASNIK OPĆINE
L U K A V A C**

Broj:5/20

Izdaje :Općina Lukavac

Uređuje.....Stručna Služba Općinskog vijeća

Adresa.....Općina Lukavac - Općinsko vijeće

Telefon035/553-253

Fax.....035-366-731

Službeni glasnik izdaje se po potrebi